



**O'ZBEKISTON RESPUBLIKASI SANITARIYA-EPIDEMIOLOGIK OSOYISHTALIK
VA JAMOAT SALOMATLIGI XIZMATINING
BUYRUG'I**

20~~22~~ yil. "28" 10 № 76

Toshkent sh.

**Ўзбекистон Республикаси Санитария-эпидемиологик
осойишталик ва жамоат саломатлиги хизмати ходимларининг
одоб-ахлоқ қоидалари тўғрисида**

Ўзбекистон Республикаси Вазирлар Маҳкамасининг 2022 йил 14 октябрдаги “Давлат фуқаролик хизматчилари томонидан одоб-ахлоқ қоидаларига риоя этилишини таъминлаш бўйича қўшимча чора-тадбирлар тўғрисида”ги 595-сонли қарори талабларидан келиб чиқиб, ходимларнинг хизмат фаолиятида ва хизматдан ташқари ҳолатларда одоб-ахлоқини, жамоатчилик билан муносабатларда амалдаги қоидаларга риоя этишларини, уларнинг кийиниш меъёрларини белгилаш, шунингдек деонтологик нуқтаи назардан соғлом, маънавий, ижтимоий-психологик мухитнинг барқарорлигини таъминлаш, касбга нисбатан ва ўзаро ҳурмат муносабатларини мустаҳкамлаш мақсадида, **буюраман:**

1. Ўзбекистон Республикаси Вазирлар Маҳкамасининг 2022 йил 14 октябрдаги “Давлат фуқаролик хизматчилари томонидан одоб-ахлоқ қоидаларига риоя этилишини таъминлаш бўйича қўшимча чора-тадбирлар тўғрисида”ги 595-сонли қарори маълумот ва ижро учун қабул килинсин.

2. Куйидагилар:

Одоб-ахлоқ комиссияси (кейинги ўринларда Комиссия деб юритилади) таркиби 1-иловага мувофиқ;

одоб-ахлоқ комиссияси тўғрисидаги низом 2-иловага мувофиқ; ходимларнинг одоб-ахлоқ қоидалари 3-иловага мувофиқ тасдиқлансин.

3. Комиссия раиси (Н.С. Атабеков):

ходимлар орасида хизмат фаолиятларига оид ва хизматдан ташқаридаги одоб-ахлоқ, жамоатчилик билан муносабатларга доир қоидаларига риоя этилиши, уларнинг кийиниш меъёрлари билан таништириш, шунингдек деонтологик нуқтаи назардан соғлом, маънавий, ижтимоий-психологик мухит барқарорлигини таъминлаш, касбга нисбатан ва ўзаро ҳурмат муносабатларини мустаҳкамлаш юзасидан мунтазам равишда тушунтириш ишлари олиб борсин;

ходимлар томонидан одоб-ахлоқ қоидаларига, хизмат фаолиятларига оид ва хизматдан ташқаридаги одоб-ахлоқ, жамоатчилик билан муносабатларга доир қоидаларига, кийиниш меъёрларига риоя этмаслик ҳолатлари аниқланган ҳолларда уларнинг сабабларини аниқлаб, ижобий ечими бўйича раҳбариятга таклифлар киритиб борсин.

4. Бошқарма бошлиқлари ички меҳнат тартиб қоидалари ва бошқа идоравий ҳужжатларни Ўзбекистон Республикаси Вазирлар Маҳкамасининг қарори талабларига мувофиқлаштирилиши таъминлансин.

5. Мазкур буйруқ қабул қилиниши муносабати билан Санитария-эпидемиологик осойишталик ва жамоат саломатлиги хизматининг 2022 йил 3 июндаги 43-сонли буйруғи ўз қучини йўқотган деб ҳисоблансин.

6. Мазкур буйруқ ижроси юзасидан назорат бошлиқнинг биринчи ўринбосари Х.Н.Норбоев зинмасига юклансин.

Бошлиқ

Б. Юсупалиев



Санитария- эпидемиологик
осойишталик ва жамоат саломатлиги
хизматининг 2022 йил 28 октябрдаги
76-сонли бўйргуфига
1-илова

Одоб-ахлоқ комиссияси таркиби

1	Н.С. Атабеков	Бошлиқ ўринбосари- раис
Аъзолар:		
2	М.Сайдова	Жамоатчилик билан алоқалар бўлими бошлиғи, раис ўринбосари
3	Л.У. Анварова	Бошқарма бошлиғи
4	Р.А. Қосимов	Бош мутахассис
5	Ж.Т. Тўйчиев	Бош мутахассис
6	М.А.Шамсутдинова	Лаборатория мудираси
7	Л.В. Кудашева	Эпидемиология бўлими бошлиғи
8	Д.Турсунова	Иммунопрофилактика бўлими бошлиғи
9	Ф.Б. Қурбонбеков	ЎҲЮК бўлими бошлиғи, КУК раиси
10	Н.С. Тошбоев	Ташкилий-назорат ва ахборот-таҳлил бўлими бошлиғи
11	Д.Н. Қўзиева	Халқаро ҳамкорлик шўъбаси бошлиғи
12	Ш. Исломқулова	Юридик бўлими бошлиғи в.в.б.

Изоҳ: Заруратга кўра қўшимча равишда комиссия таркибига бошқа мутахассислар жсалб этилиши мумкин, ходим лавозимидан озод этилганда ёки бошқа ишга ўтганда унинг ўрнига тайинланган ходим ишчи гурух аъзоси ҳисобланади.

Санитария- эпидемиологик
осойишталик ва жамоат саломатлиги
хизматининг 2022 йил 28 октябрдаги
76-сонли буйругига
2-илова

Одоб-ахлоқ комиссияси тўғрисида НИЗОМ

1-боб. Умумий қоидалар

1. Ушбу Низом Санитария-эпидемиологик осойишталик ва жамоат саломатлиги хизматида (кейинги ўринларда - санитария-эпидемиология хизмати) одоб-ахлоқ комиссияси (кейинги ўринларда - Комиссия) фаолиятини тартиба солади.

2. Комиссия санитария-эпидемиология хизмати ходимлари (кейинги ўринларда-ходимлар) томонидан одоб-ахлоқ қоидаларига риоя этилишини назорат қилиш, уларнинг ахлоқ нормаларига зид бўлган хатти-харакатларининг олдини олиш ва одоб-ахлоқ қоидаларига риоя этиш билан боғлиқ низоларни кўриб чиқиши мақсадида тузилади.

3. Комиссия фаолияти Ўзбекистон Республикасининг Конституцияси ва қонунларига, “Давлат фуқаролик хизмати тўғрисида”ги Ўзбекистон Республикасининг Қонунига, Ўзбекистон Республикаси Олий Мажлиси палатасининг қарорларига, Ўзбекистон Республикаси Президентининг фармон, қарор ва фармойишларига, Вазирлар Махкамасининг қарорлари ва фармойишларига, Ўзбекистон Республикаси давлат хизматчилари одоб-ахлоқ қоидаларига, ушбу низомга ва бошқа қонунчилик хужжатларига мувофиқ амалга оширилади.

4. Комиссия, Комиссия раиси, котиби ва аъзоларидан иборат бўлиб, умумий сони беш нафардан кам бўлмаслиги ва тоқ сонда бўлиши лозим.

Комиссия таркибига тажрибали, меҳнат жамоасида обрў-эътиборга сазовор бўлган давлат хизматчилари киритилади.

Комиссия таркиби Санитария-эпидемиологик осойишталик ва жамоат саломатлиги хизматининг раҳбари қарори билан тасдиқланади ва доимий равишда фаолият юритади.

Комиссия таркибига комиссия томонидан қабул қилинадиган қарорларга таъсир кўрсатиш мумкин бўлган манфаатлар тўқнашуви эҳтимолини назарда тутган ҳолда ўзгартириш киритилади.

2-боб. Комиссиянинг асосий вазифалари ва функциялари

5. Комиссиянинг асосий вазифалари қўйидагилардан иборат:

Санитария – эпидемиология хизмати ходимларининг одоб-ахлоқ қоидаларини ишлаб чиқиш;

Санитария – эпидемиология хизмати ходимлари томонидан одоб-ахлоқ қоидаларига риоя этилиши масалаларини кўриб чиқиши, хизмат текширувларини ўтказиш;

Санитария – эпидемиология хизмати ходимлари ўртасида ахлоқ нормаларига зид бўлган хатти-харакатларнинг олдини олишга қаратилган комплекс чора-тадбирларни амалга ошириш;

Жисмоний ва юридик шахсларнинг Санитария – эпидемиология хизмат ходимларининг хатти-харакатларига доир мурожаатларини кўриб чиқиши;

Санитария – эпидемиология хизмати ходимларининг шаъни ва қадр-кимматини химоя қилиш билан боғлиқ масалаларни кўриб чиқиши;

Санитария – эпидемиология хизмати ходимларининг одоб-ахлоқ қоидаларини такомиллаштириш юзасидан таклифлар ишлаб чиқиши;

Санитария – эпидемиология хизмати ходимлари томонидан одоб-ахлоқ қоидаларига риоя этиш холатларини таҳлил қилиш, натижалари хакида раҳбар ва жамоатчиликни хабардор килиб бориш.

6. Комиссия ўз ваколатлари доирасида:

Санитария – эпидемиология хизмати ходимлари томонидан одоб-ахлоқ қоидаларига риоя этилиши устидан назоратни амалга оширади;

Санитария – эпидемиология хизмати ходимлари томонидан одоб-ахлоқ қоидаларининг бузилиши билан боғлиқ масалалар юзасидан хулосалар тайёрлайди;

Санитария – эпидемиология хизмати ходимларининг одоб-ахлоқ қоидалари билан боғлиқ масалаларини кўриб чиқиши жараёнида зарур ахборотларни сўраб олади;

кўриб чиқиши мақсадида киритилган масалаларни ҳал этиш учун Комиссия мажлисларига эксперталар ва мутахассисларни жалб қиласди;

одоб-ахлоқ қоидаларига оид масалалар юзасидан Санитария – эпидемиология хизмати ходимларига тегишли маслаҳат ва тушунтиришлар беради;

зарур ҳолларда, Комиссияда кўриб чиқилган масалалар бўйича Санитария – эпидемиология хизмати ходимини интизомий жавобгарликка тортиш юзасидан раҳбарга таклиф киритади.

7. Комиссия Санитария – эпидемиология хизматининг таркибий бўлинмалари, бошқа давлат орган ва ташкилотлар, мансабдор шахслар ва жамоатчилик билан ҳамкорлик қиласди.

8. Комиссия фаолиятини ташкил қилиш ва Санитария – эпидемиология хизмати ходимлари томонидан одоб-ахлоқ қоидаларини бузилиши билан боғлиқ масалаларни кўриб чиқиши ушбу низомга иловада келтирилган схемага мувофиқ амалга оширилади.

3-боб. Комиссия фаолиятини ташкил этиш

9. Комиссия мажлислари заруратга караб ўтказилади.

Комиссия мажлислари очик тарзда ўтказилади. Зарур бўлган ҳолларда Комиссия ёпиқ мажлис ўтказиш тўғрисида қарор қабул қилиши мумкин.

10. Комиссия мажлисини Комиссия раиси, комиссия раиси йўқлигига эса, унинг топшириғига биноан комиссия аъзоларидан бири олиб боради. Комиссия мажлисида баённома юритилади, у раислик килувчи ва комиссия котиби томонидан имзоланади.

11. Комиссия мажлислари, агар уларда комиссия аъзолари умумий сонининг камиди учдан икки қисми ҳозир бўлса, ваколатли хисобланади.

12. Комиссиянинг навбатдаги мажлиси тўғрисида унинг раиси комиссия аъзоларига ёзма равища, қоида тариқасида, камиди икки кун олдин, шунингдек мажлиснинг бошқа иштирокчиларини олдиндан хабардор этади.

13. Комиссиянинг қарорлари мажлиса катнашган комиссия аъзоларининг кўпчилик овози билан қабул қилинади. Овозлар teng бўлган ҳолатда комиссия раисининг овози ҳал килувчи овоз хисобланади.

Комиссиянинг қарорлари комиссия раиси томонидан имзоланади.

14. Комиссия раиси:

Комиссия ишини ташкил этади;

Комиссия мажлисларини чакиради ва ўтказади;

Комиссия аъзоларига топшириқлар беради;

Санитария – эпидемиология хизматининг таркибий бўлинмалари, бошқа давлат органлар ва ташкилотлар, мансабдор шахслар ва жамоатчилик билан бўлган муносабатларда комиссия номидан иш юритади;

Комиссия мажлисларида комиссия фаолияти тўғрисидаги ахборот билан сўзга чиқади; ҳар йили раҳбарга комиссия фаолияти тўғрисида хисобот тақдим этади.

15. Комиссия котиби:

Комиссиянинг фаолиятини ташкилий-техник жиҳатдан таъминлаш масалаларини ҳал қиласди;

Комиссиянинг навбатдаги мажлисига барча зарур материаллар ўз вактида тайёрланишини таъминлайди, Санитария – эпидемиология хизмати ходимларидан зарур хужжатлар ва маълумотларни сўраб олади;

Кун тартибига мувофиқ комиссия мажлислари ўтказилишини ташкил этади;

Комиссия аъзоларини ва таклиф этилган шахсларни комиссия мажлиси ўтказиладиган жой, сана ва вақт хамда кун тартибига киритилган масалалар ҳақида хабардор қиласи;

Комиссия мажлисининг баённомасини расмийлаштиради ва тасдиқланган баённомани манфаатдор шахсларга жунатилишини таъминлайди.

16. Комиссия аъзоси:

Комиссия томонидан кўриб чиқиладиган барча масалалар бўйича овоз беришга;

Комиссияни кўриб чиқиши учун масалалар ва таклифлар киритишга;

қарорлар тайёрланишида, муҳокамасида, қабул қилинишида, шунингдек уларнинг амалга оширилишини ташкил этишда хамда бажарилишини назорат қилишда иштирок этади;

кўриб чиқилаётган масалага доир хужжатлар, маълумотномалар ва бошқа зарур ахборот билан танишишга;

Комиссия қарорига рози бўлмаган тақдирда ўз фикрини баён этишга ҳақли.

17. Комиссия аъзоси комиссия мажлисида ҳозир бўлиши ва ўзига юклатилган маъбуриятларни бажариши шарт.

Комиссия аъзоси комиссия мажлисида ҳозир бўлиш имкони бўлмаганда Комиссия раисини олдиндан хабардор этиши лозим.

18. Комиссия мажлисида кўрилаётган масалалар комиссия раиси, котиби ва аъзоларига бевосита ёки билвосита боғлиқ бўлган тақдирда ўзини ўзи рад қилиши шарт.

4- боб. Санитария – эпидемиология хизмати ходимлари томонидан одоб-ахлок қоидалари бузилишини олдини олиш (профилактика) чораларини қўриш

19. Комиссия Санитария – эпидемиология хизматининг инсон ресурсларини бошқариш бўлинмалари билан биргаликда мунтазам равишда ходимлар_томонидан одоб-ахлок қоидаларига риоя этилиши ва уларнинг бузилишини олдини олишга қаратилган қўйидагиларни назарда тутувчи профилактик комплекс чора-тадбирларни амалга оширади:

Санитария – эпидемиология хизмати ходимларида юксак касбий маданиятни, жамоада соғлом маънавий мухит ва ишchan кайфиятни шакллантириш:

Санитария – эпидемиология хизмати ходимларини “ҳалоллик вакцинаси” билан эмлаш, яъни ҳалолликни уларнинг онгига сингдириш, маърифат орқали уларда коррупцияга қарши муросасиз муносабатда бўлиш кайфиятини шакллантириш;

Санитария – эпидемиология хизмати ходимлари орасида таниқли зиёлилар, ижодкорлар, маънавият ва маърифат соҳасининг кўзга кўринган намоёндалари, ўз соҳасида юксак натижаларга эришган меҳнат фахрийларини жалб қилган ҳолда, учрашувлар ташкил килиб бориш:

Санитария – эпидемиология хизмати ходимларининг касбий ва бошқарув кўникмалари ўсишини, шунингдек уларнинг малакасини доимий равишида оширишни, улар томонидан одоб-ахлоқ қоидаларига риоя этишларини таъминлаш мақсадида уларнинг билимлари ва малакасини доимий такомиллаштириш ишларини амалга ошириш;

Санитария – эпидемиология хизмати ходимларининг иқтисодий билимларини, хукукий саводхонлигини, хукукий маданияти ва хукукий онгини, интеллектуал ва маънавий ривожланишини ошириш мақсадида иқтисодий ва хукукий йўналишдаги ўқишлиарни ташкил этиш;

Янги ишга қабул қилинган ходимларини одоб-ахлоқ қоидаларига қатъий риоя қилиш борасида стажировкадан ўтказиш ва улар билан профилактик сұхбатлар ташкил қилиш;

Санитария – эпидемиология хизмати ходимларини малака ошириш курсларига, ҳалқаро семинарлар, конференциялар ва шу каби бошқа тадбирларга юбориш, улар томонидан ўз

касбий даражаси ва ахлоқий сифатларини мустакил оширишлари учун шарт-шароит яратиб бериш.

20. Комиссия Санитария – эпидемиология хизмати ходимлари томонидан одоб-ахлоқ қоидаларини бузилишини олдини олиш (профилактика) борасидаги ўз фаолиятини комиссия томонидан тасдиқланган чораклик иш режалари асосида олиб боради.

21. Санитария – эпидемиология хизмати ходимлари томонидан одоб-ахлоқ қоидаларини бузилишини олдини олиш (профилактика) чоралари комиссия томонидан санитария-эпидемиология хизматининг тегишли таркибий бўлинмалари раҳбарлари ҳамда касаба уюшмалари қўмиталари билан биргаликда ташкил этилади.

22. Санитария – эпидемиология хизмати ходимлари томонидан одоб-ахлоқ қоидаларини бузилишини олдини олиш (профилактика) чораларининг натижадорлиги йил якунлари бўйича ўтказиладиган комиссия йиғилишида муҳокама қилинади.

5- боб. Санитария – эпидемиология хизмати ходимлари томонидан одоб-ахлоқ қоидаларининг бузилиши билан боғлик масалаларни кўриб чиқиш тартиби

23. Комиссия Санитария – эпидемиология хизмати ходимлари томонидан одоб-ахлоқ қоидаларининг бузилишлари билан боғлик масалаларни:

Санитария – эпидемиология хизмати раҳбарининг топшириғига кўра;

хуқуқни муҳофаза қилувчи органларнинг мурожаатларига асосан;

давлат хизматчиларнинг, шунингдек жисмоний ва юридик шахсларнинг мурожаатларига биноан ўз ташаббуси билан кўриб чиқади.

24. Комиссия мажлисига, ҳақиқий холатларни аниқлаш ва холисона қарор қабул қилиш мақсадида, ўзига нисбатан масала кўриб чиқилаётган давлат хизматчиси, зарур бўлган ҳолларда эса, мурожаат қилувчи ва бошқа шахслар таклиф этилади. Комиссия мажлисининг вакти ва жойи ҳакида тегишли равишда хабардор этилган шахсларнинг келмаслиги мурожаатни кўриб чиқиш учун монеълик қилмайди.

25. Комиссия мажлисида:

Кун тартибидаги масала ўқиб эшиттирилади;

Санитария – эпидемиология хизмати раҳбарининг топшириғи ёки ходимлар томонидан одоб-ахлоқ қоидалари бузилганлиги тўғрисидаги мурожаат ўқиб эшиттирилади;

одоб-ахлоқ қоидаларига риоя этмаганликда айбланаётган ходим ва мурожаатчиларнинг тушунтиришлари эшитилади;

26. Санитария – эпидемиология хизмати ходими ўзининг хуқуқи, шаъни ва қадр-қимматига, ишчанлик обрўсига даҳлдор мурожаат бўйича амалдаги конун хужжатларига мувофиқ ўзини химоя қилишга, комиссияга зарур материаллар ҳамда бошқа ахборотларни тақдим этишга хақлидирлар.

27. Мажлис якуни бўйича комиссия ходим ҳатти-ҳаракатларида одоб-ахлоқ қоидаларининг бузилиши фактининг мавжудлиги ёхуд мавжуд эмаслиги тўғрисида қарор қабул қиласи.

28. Одоб-ахлоқ қоидалари бузилганлиги ҳолати исботланган тақдирда комиссия томонидан ходимга нисбатан қўйидаги ахлоқий таъсир чоралари кўлланилади:

огохлантириш;

Узр сўраш ёки расмий узрнома келтиришни талаб қилиш;

Санитария – эпидемиология хизмати жамоавий йиғилишларида танбех бериш.

29. Комиссия ходимга нисбатан интизомий таъсир чорасини кўллаш учун Санитария – эпидемиология хизмати раҳбарига тақдимнома киритиши мумкин.

30. Комиссия томонидан қўйидаги мурожаатлар кўриб чиқилмайди:

Комиссияда олдин кўриб чиқилган мурожаат ва айнан шу мазмундаги тақрор мурожаатлар;

Аноним мурожаатлар;

Конунда белгиланган бошқа талабларга мувофиқ бўлмаган мурожаатлар.

31. Комиссия қабул қилинган қарор ҳақида мурожаат қилувчига, ўзига нисбатан масала кўриб чиқилган ходимга ва раҳбарга ёзма равишда маълум қиласди.

32. Комиссия одоб-ахлоқ қоидалари Санитария – эпидемиология хизмати раҳбари томонидан бузилган тақдирда уларга нисбатан тегишли чора кўриш масаласи юзасидан таклифларни юкори турувчи давлат органи ва ташкилоти раҳбариға юборади.

33. Комиссиянинг қарори устидан раҳбарга ёки судга шикоят қилиш мумкин.

34. Санитария – эпидемиология хизмати ходими томонидан одоб-ахлоқ қоидаларининг бузилиши хақидаги мурожаат унинг ташаббускори томонидан Комиссия қарори қабул қилингунига қадар қайтариб олиниши мумкин.

35. Тарафлар ярашган, шунингдек ходим ўз ҳоҳиши билан мурожаатчидан ошкора узр сўраган ҳолларда, унга нисбатан таъсир чоралари қўлланилмаслиги мумкин;

Санитария- эпидемиологик
осойишталик ва жамоат саломатлиги
хизматининг 2022 йил 28 октябрдаги
76-сонли буйруғига
3-илова

**Санитария эпидемиологик осойишталик ва жамоат саломатлиги хизмати
ходимларининг одоб-ахлоқ
қоидалари**

1. Санитария-эпидемиологик осойишталик ва жамоат саломатлиги хизмати (кейинги ўринларда - Санитария-эпидемиология хизмати) ходимларининг одоб-ахлоқ қоидалари (кейинги ўринларда - Одоб-ахлоқ қоидалари) Санитария-эпидемиология хизмати ходимларининг касбий маданияти, хизмат фаолияти давомида ҳамда хизматдан ташқаридаги одоб-ахлоқи, ташқи кўриниши ва кийиниш услугбининг намунавий қоидаларини белгилайди.

Одоб-ахлоқ қоидалари юксак касбий маданиятни шакллантириш, жамоатчилик онгига давлат хизматига бўлган хурмат ва ишончни ошириш ҳамда Санитария-эпидемиология хизмати ходимларининг ахлоқ қоидаларига зид бўлган хатти-харакатларнинг олдини олишга қаратилган,

2. Санитария-эпидемиология хизмати ходимлари ўз касбий фаолиятини қўйдаги принциплар асосида амалга оширишлари шарт:

қонунийлик;

Ватанга садоқат ва хизмат вазифасига фидойилик, юкланган функционал вазифаларини тўлиқ бажариш, ижро интизомига қатъий риоя этиш;

фуқаролар хуқуқлари, эркинликлари ва қонуний манфаатларининг устуворлиги;

давлат ва жамият манфаатларига содиқлик;

адолатлилик, ҳалоллик ва ҳолислик;

коррупциявий ҳолатларга муросасиз муносабатда бўлиш ва қарши курашиш;

хизмат сирини катъий сақлаш;

мансаб ваколатларини суиистеъмол қиласлик;

манфаатлар тўқнашувига йўл қўймаслик.

3. Санитария-эпидемиология хизмати ходимлари меҳнат фаолиятлари давомида ва ишдан ташкири вактда хулқ-атворининг қўйидаги умумий қоидаларига амал қилишлари лозим:

Санитария-эпидемиология хизматининг обрўсига путур етказиши мумкин бўлган хатти-харакатлардан тийилиш, ахлоқ нормаларига доимий риоя қилиш;

масъулият, касбига садоқат ва ҳалолликни кундалик шиорга айлантириш;

мураккаб вазифаларни бажаришда ҳамкасларига кўмаклашиш;

хушмуомалик, эътиборлилик ва хушёрлик билан фуқароларда давлатга нисбатан ишонч ва ҳурмат ҳиссини уйғотиш;

Оиласида соғлом муҳитни таъминлаб, оила-аъзоларига доимий ғамхўр бўлиш, фарзандларида ватанпарварлик ва бошқа юксак ахлоқий фазилатларни шакллантириш;

фуқароларнинг ижтимоий келиб чиқиши, иқтисодий аҳволи ва бошқа омиллардан қатъий назар, улар билан бир хил, самими, одоб доирасида муносабатда бўлиш;

жамиятда ахлоқнинг умумэътироф этилган қоидаларига амал килиш.

4. Санитария-эпидемиология хизмати ходимлари ўз ваколатларини амалга ошираётганда Ўзбекистон Республикасининг Конституцияси ва қонунларига, “Давлат фуқаролик хизмати тўғрисида”ги Ўзбекистон Республикасининг қонунига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг

фармонлари, қарорлари ва фармойишларига, Вазирлар Махкамасининг қарорлари ва фармойишларига, ушбу одоб-ахлоқ қоидаларига ва бошқа қонунчиллик хужжатларига амал килади.

5. Санитария-эпидемиология хизмати ходимларининг одоб-ахлоқ қоидаларига риоя қилиш мажбуриятига, фуқаролар эса давлат хизматчиларидан мазкур қоидаларга мос бўлган касбий маданиятни талаб қилиш хуқуқига эга.

6. Санитария-эпидемиология хизмати ходимларининг одоб-ахлоқ қоидаларига риоя этиши уларнинг фаолияти ҳамда хизматдаги ахлоқини баҳолашнинг асосий мезонларидан бири хисобланади.

Санитария-эпидемиология хизмати ходимлари томонидан одоб-ахлоқ қоидаларига риоя қилиниши ҳолати уларни келгусида юқори лавозимларга тайинлаш ва раҳбар кадрлар захирасини шакллантиришда хисобга олинади.

2-боб. Касбий маданиятга оид умумий одоб-ахлоқ қоидалари

7. Санитария-эпидемиология хизмати ходимлари:

фуқароларнинг жинси, ирқи, миллати, фуқаролиги, тили, дини, ижтимоий келиб чиқиши, эътиқоди, шахсий ва ижтимоий мавқеининг камситилишига олиб келувчи таъсир чоралари ва ҳаракатлар (ҳаракатсизлик)га йўл қўймаслиги;

ҳалол, адолатли ва камтар бўлиши, фуқаролар билан мулоқотда хушмуомала, вазмин ва самимий муносабатни намойиш қилиши;

жисмоний ва юридик шахсларнинг хуқуқлари ва қонуний манфаатларига дахлдор қарорларни қабул қилишда қонунийликни, адолатлиликни ва шаффофликни таъминлаши;

давлат ва жамият манфаатларига заар етказувчи, давлат органлари ва ташкилотлари фаолияти самарадорлигини пасайтирадиган ҳаракатлар (ҳаракатсизлик)дан тийилиши;

ўзининг хатти-ҳаракати ва ахлоқи туфайли жамоатчиликнинг танқидига учрамаслик чораларини кўриши, танқид учун таъқибга йул қўймаслиги, асосли ва конструктив танқиддан ўз фаолиятидаги камчиликлар ҳамда нуксонларни бартараф этиш йўлида фойдаланиши;

давлат органлари ва ташкилотлари, давлат хизматчилари ва бошқа шахсларга ўз хизмат мавқеидан фойдаланган ҳолда шахсий масалалар юзасидан таъсир ўтказмаслиги;

ўз хизмат ваколатларини жисмоний ва юридик шахсларнинг манфаатларини кўзлаб бажариш ёки бажармаслик эвазига улардан бирон-бир мукофот, фойда ёки совғалар олмаслиги;

давлат мулкининг бут сакланишини таъминлаши, ўзига ишониб топширилган давлат мулкидан фақат хизмат мақсадларида фойдаланиши;

хизмат интизомига қатъий риоя қилиши, иш вақтидан оқилона ва самарали фойдаланиши;

аҳолининг давлат хизматлари истеъмолчиси сифатидаги талабларига мувофиқ доимий равиша фаолият сифатини ошириб бориш чораларини кўриши;

қонун билан интизомий, маъмурий ва жиноий жавобгарлик назарда тутилган хукуқбузарлик ва бошқа хатти-ҳаракатларга йўл қўймаслиги;

касб этикаси ва ишchanлик услубига риоя этиши;

сиёсий партиялар, жамоат бирлашмалари ва бошқа нодавлат ташкилотлари манфаатлари йўлида хизмат мавқеи ва имкониятларидан фойдаланмаслиги керак.

8. Санитария-эпидемиология хизмати ходимлари ўзига бўйсунувчи ходимлардан улар меҳнат вазифасини бажараётган пайтида партия номидан сиёсий фаолият билан шуғулланишини талаб қилиши, сиёсий партиялар, жамоат бирлашмалари ва бошқа нодавлат ташкилотлари фаолиятида иштирок этишга даъват этиши ёки мажбурлашига йўл қўйилмайди.

З-боб. Хизмат фаолиятига оид одоб-ахлоқ қоидалари

9. Санитария-эпидемиология хизмати ходимлари хизмат фаолияти давомида қўйидагиларга мажбур:

Ўзбекистон Республикасининг Конституцияси, қонунлари ва бошқа қонунчилик хужжатларига сўзсиз риоя этиши;

мамлакат шаънини эъзозлаш, давлат сиёсатига содик бўлиш;

ташқи сиёсат соҳасида давлат манфаатларини қатъий химоя қилиш;

ўз хизмат вазифаларини вижданан, ҳалол ва юксак профессионал даражада бажариш, расмиятчилик, сохтакорлик ва сунисъмолчиликка йўл қўймаслик;

хизмат мажбуриятларини самарали бажариш учун зарур бўлган билим ва кўнималарни доимий ошириш;

юқори давлат органлари ва ташкилотлари хамда мансабдор шахсларининг ўз ваколатлари доирасида қабул қиласан қарорлари хамда берилган топшириқларини ўз вақтида ва сифатли бажариш;

ишлаб чиқилаётган норматив-хуқуқий ва бошқа хужжатларга бирон-бир шахс, гуруҳ ёки идоралар манфаати нуқтаи назаридан ёндашмаслик ҳамда уларнинг манфаатлари ифода этилишига йўл қўймаслик;

ҳар қандай қонунбузилишига, айниқса, коррупция ҳолатларига қарши муросасизлик билан курашиш;

хизмат сафарлари, назорат тадбирлари давомида меҳнат фаолияти билан боғлиқ бўлган ҳар қандай турдаги сарф-харажатларни бошқа шахслар хисобидан амалга оширмаслик;

давлат хизматчилари ёки бошқа шахслар томонидан жиноят ёки бошқа хуқуқбузарлик содир этишга ундовчи мурожаатлар ҳақида, шунингдек, ҳамкаслари томонидан содир этилган ёки тайёргарлик кўрилаётган қонунбузилишлар ҳақида ўзининг раҳбарига зудлик билан маълум қилиш;

чет эл фуқаролари билан алоҳида белгиланган тартибга зид равиша бевосита ёки бошқа шахслар орқали мулоқотга киришмаслик;

ўз хизмат мажбуриятларини бажараётганда фуқаролар ва бошқа шахсларни камситмаслик, уларнинг таъсиридан сақланиш, фуқаролар хуқуқлари, мажбуриятлари ва қонуний манфаатларини ҳисобга олиш;

ўз хизмат мажбуриятларини вижданан бажаришга тўсқинлик қилиши мумкин бўлган хатти-харакатлардан сакланиш;

давлат сири, қонун билан кўрикланадиган ва хизматга оид бошқа маълумотларнинг ошкор этилмаслигини таъминлаш юзасидан барча чораларни кўриш, улардан қонунга зид равиша фойдаланмаслик;

ахборотларни тарқатиш қоидаларига риоя қилиш, интернет жаҳон ахборот тармоғи ва ахборот коммуникация воситаларидан фойдаланишда ахборот хавфсизлигини таъминлашнинг белгиланган тартибига амал қилиш;

бириктирилган хизмат компьютери ҳамда электрон ташувчилардаги хизматга оид маълумотларнинг хавфсиз сакланишини таъминлаш ва уларни бошқа шахсларга тарқатилишининг олдини олиш чораларини кўриш;

ижтимоий тармоқларда давлат органлари ва ташкилотлари ҳамда мансабдор шахслар фаолиятини мухокама қилмаслик, ахлоққа зид ибораларни ишлатмаслик, мамлакатда амалга оширилаётган ислоҳотларга нисбатан одамларда ишончсизлик кайфиятини юзага келтириши мумкин бўлган материалларни жойлаштираслик;

фуқаролар ва хамкасбларининг шаъни ва қадр-қимматига доғ туширувчи маълумотлар, тухмат, иғво ва уйдирмаларни тарқатмаслик;

мехнат ва ижро интизоми, ички тартиб қоидаларига, шунингдек, телефонда сўзлашиш ва кийиниш маданиятига қатъий риоя этиш;

ўзига ишониб топширилган мулкка ва молиявий маблағларга эҳтиёткорлик ва тежамкорлик билан муносабатда бўлиш;

жамоада соғлом маънавий мухитни саклаш чораларини кўриш;

жисмоний ва юридик шахсларнинг мурожаатларини қонунда белгиланган тартибда ҳамда муддатларда қонуний, асосли ва адолатли ҳал қилиш;

мехнат жамоасида ишчанлик мухитини шакллантириш ва уни мустаҳкамлашга кўмаклашиши;

мехнат жамоасида ҳамкасбларининг шаъни ва қадр-қимматини обрўсизлантирадиган шахсий ва касбий фазилатларини мухокама қилишдан тийилиши керак.

10. Раҳбарлар қуидагиларга мажбур:

бўйсунувидаги давлат хизматчилариға профессионализм, ҳалоллик, холислик ва адолатлиликда ўrnak бўлиш;

жамоада соғлом маънавий мухит ва ишчан кайфиятни шакллантириш;

санитария-эпидемиология хизмати ходимларини қонунга хилоф хатти-ҳаракатларини амалга оширишга унダメаслик ҳамда улардан бундай ҳаракатларни бажаришни талаб қиласлик;

кадрларни махаллийчилик, уруғ-аймоқчилик, таниш-билишчилик ёки шахсий садоқат белгилари бўйича танлаш, тайинлаш ёки тавсия этишга йўл қўймаслик;

жамоада гурухбозлик ва фаворитизм (айрим ходимларни яқин олиш ва қўллаб-қувватлаш) қўринишларига йўл қўймаслик, шунингдек, хизмат вазифаларини бажариш жараёнида бошқа салбий омилларнинг олдини олиш;

санитария-эпидемиология хизмати ходимларининг фаолиятига баҳо беришда қонуний, асосли ва адолатли қарорлар қабул қилиш;

санитария-эпидемиология хизмати ходимлари томонидан коррупция ва бошқа суиистеъмолчиликлар содир этилишининг олдини олиш чораларини кўриш;

бўйсунувдаги ходимларни ҳуқуқий ва ижтимоий жиҳатдан ҳимоя қилиш чораларини кўриш;

ваколати доирасида шартномалар тузиш, танловлар ўтказиш ёки розилик бериш масалаларига холис, адолатли ва қонуний ёндашиш.

11. Раҳбарлар бўйсунувидаги давлат хизматчилариға қўпол муомалада бўлиши, хақорат қилиши, шахсиятига тегиши, уларга асоссиз танбех бериши ёки айблаши ҳамда камситиши мумкин эмас.

4-боб. Хизматдан ташқари одоб-ахлоқ қоидалари

12. Санитария-эпидемиология хизмати ходимлари ишдан бўш вақтларида умумқабул қилинган ахлоқ нормаларига риоя қилишлари ва уларга зид бўлган хулқ-атвор ва хатти-ҳаракатлардан ўзларини тийишлари шарт.

13. Санитария-эпидемиология хизмати ходимлари ишдан ташқари вақтда қуидагиларга мажбур:

миллий урф-одат, қадрият ва анъаналарга ҳурмат билан муносабатда бўлиш;

дабдабозлик, шухратпарастлик, гурухбозлик, майшатбозлик, ичкиликтозлик ва бошқа салбий иллатларга йўл қўймаслик;

расмий эълон қилинган маълумотлардан ташқари давлат хизмати фаолиятига оид масалаларни муҳокама қилмаслик;

жамоат жойларида (кафе, ресторон ва бошқа кўнгилочар масканларда) ўзини тутиш қоидаларига риоя этиш, атрофдагиларнинг эътиборини тортувчи ортиқча ва салбий харакатларга йўл қўймаслик;

жамоат тартиби ва хавфсизлигига қарши қаратилган хатти-харакатларни содир этмаслик, мазкур ноқонуний ҳаракатларга бошқаларни жалб этмаслик ёки даъват қилмаслик;

хизмат мажбуриятларини бажариш билан боғлиқ бўлган идора ва ташкилотлар раҳбар ва ходимлардан, бошқа мансабдор шахслардан қимматбаҳо совға олмаслик;

хизмат гувоҳномаларини сақлаш ва фойдаланиш тартибига қатъий риоя этиш, улардан хизматга алоқадор бўлмаган ҳолатларда фойдаланмаслик шу жумладан, ваколатли шахсларга хизмат гувоҳномасини қўрсатиб, мавқенини сувиистеъмол қилмаслик;

хизмат автотранспорт воситаларидан хизмат фаолиятидан ташқари ҳолатларда шахсий ва бошқа мақсадларда фойдаланмаслик;

иш фаолияти билан боғлиқ маълумотларни ишга алоқадор бўлмаган бошқа шахслар иштирокида муҳокама қилмаслик;

шахсий транспорт воситаларидан фойдаланишда белгиланган тартибга амал қилиш, йўл ҳаракати қоидаларига қатъий риоя этиш;

тадбиркорлик ёки хақ тўланадиган бошқа фаолият билан (педагогик, илмий ва ижодий фаолиятдан ташқари) шуғулланмаслик, Ўзбекистон Республикаси қонунлари ва Ўзбекистон Республикаси Президенти қарорларида назарда тутилган ҳолатлар бундан мустасно;

ўзи фаолият юритган давлат органлари ва ташкилотлари хамда давлат хизматига дод туширувчи хатти-харакатлардан тийилиш;

ташқи қўринишини белгиланган меъёрлар доирасида сақлаш, камтарона кийиниши, атрофдагиларнинг эътиборини ўзига ортиқча жалб қиласидиган тарзда кийинмаслик.

5-боб. Жамоатчилик, оммавий ахборот воситалари вакиллари билан муносабатларга оид одоб-ахлоқ қоидалари

14. Санитария-эпидемиология хизмати ходимлари оммавий ахборот воситалари билан ўзаро ҳамкорлик қилиши, давлат органлари ва ташкилотларининг фаолиятини оммавий ахборот воситаларида ёритилишига қўмаклашиши керак.

15. Давлат сиёсати ёки давлат органлари ва ташкилотлари фаолияти тўғрисидаги оммавий баёнотлар давлат органлари ва ташкилотлари раҳбари ёки мазкур йўналиш бўйича ваколатли мансабдор шахс томонидан амалга оширилади.

16. Куйидаги ҳолларда оммавий баёнот берилиши мумкин эмас:

оммавий баёнот матни ва мазмуни давлат сиёсати ёки давлат органлари ва ташкилотлари фаолиятига алоқадор бўлмаса;

оммавий баёнотда келтириладиган ахборотлар давлат сирлари билан боғлиқ бўлса;

оммавий баёнот бошқа давлат органлари ва ташкилотлари нуфузини пасайтириш ёки уларнинг мансабдор шахсларини камситишига йўналтирилган бўлса.

17. Санитария-эпидимиология хизматида жамоатчилик назоратини таъминлаш мақсадида жамоатчилик томонидан давлат органлари ва ташкилотлари фаолиятига оид айлов ёки танқид билдирилган тақдирда, давлат органлари ва ташкилотлари унга нисбатан билдирилган айлов ёки танқидга оммавий изоҳ, ёхуд раддия бериши лозим.

18. Агар оммавий баёнотда фуқароларнинг шаъни ҳамда қадр-қимматини камситадиган иборалар бўлса, давлат хизматчиси ўз фикрларининг янглишлиги ёки нотўғрилигини тан

олиши ҳамда шаъни, қадр-қимматига ва ишчанлик обрўсига раҳна солган фуқародан, агар қонун хужжатларида бошқа оқибатлар назарда тутилмаган бўлса, кечирим сўраши шарт.

6-боб. Хизмат фаолиятидаги ташқи кўриниш ва кийиниш услугига оид одоб-ахлоқ қоидалари

19. Санитария-эпидемиология хизмати ходимларининг хизмат фаолиятидаги ташқи кўриниши ва кийиниш услуги фуқароларнинг давлат органлари ва ташкилотлари фаолиятига хурматини, шу жумладан давлат хизматининг нуфузини оширишга хизмат қилиши керак.

20. Санитария-эпидемиология хизмати ходимларининг ташқи кўриниши меҳнат шароитлари ва хизмат турига қараб, хизмат мажбуриятларини бажариши вақтида фуқароларнинг давлат ташкилотига нисбатан хурмат билан муносабатда бўлишига кўмаклашиши, умумий қабул килинган иш услугига мувофиқ бўлиши ва расмийлик, холислик, камтарлик ва интизомни намоён этиши лозим.

21. Санитария-эпидемиология хизмати ходимларининг иш жойида ташқи кўриниши ва кийиниш услугига оид қўшимча талаблар идоравий одоб-ахлоқ қоидалари ҳамда ички меҳнат тартибида жамоа келишуви асосида белгиланиши мумкин.

7-боб. Манфаатлар тўқнашуви

22. Санитария-эпидемиология хизмати ходимларининг мансаб ёки хизмат мажбуриятларини бажариш вақтида манфаатлар тўқнашувига олиб келадиган ёки олиб келиши мумкин бўлган шахсий манфаатдорликка йўл қўймаслиги керак.

23. Манфаатлар тўқнашуви юзага келган тақдирда ходимлар ўзининг раҳбарини дархол хабардор қилиши шарт.

Манфаатлар тўқнашуви мавжудлиги тўғрисида маълумотлар олган раҳбар бу тўқнашувнинг олдини олиш ёки уни бартараф этиш юзасидан ўз вақтида чоралар кўришга мажбур.

8-боб. Санитария-эпидемиология хизмати ходимларининг манфаатларини химоя қилиш

24. Санитария-эпидемиология хизмати ходимларини хизмат вазифаларини бажариш билан боғлиқ таҳдид, ҳақорат, тухмат ва қонунга хилоф бошқа хатти-ҳаракатлардан ҳимоя қилиш давлат органлари ва ташкилотларининг раҳбари томонидан амалга оширилади.

25. Зиммасига юклатилган вазифаларни бажаришга тўсқинлик қилиш, жиноят ёки бошқа хукуқбузарлик содир этишга оғдиришга қаратилган мурожаатлар, шунингдек, ҳамкаслари томонидан содир этилган ёки содир этишга тайёргарлик кўрилаётган қонунбузилишлар хақида хабар берган ҳодимларни вужудга келиши мумкин бўлган таҳдид ва хавф-хатарлардан ҳимоя қилиш чоралари кўрилади.

9-боб. Одоб-ахлоқ қоидаларига риоя этилишини назорат қилиш

26. Санитария-эпидемиология хизмати ходимлари томонидан одоб-ахлоқ қоидаларига риоя этилиши устидан назорат давлат органлари ва ташкилотларининг инсон ресурсларини бошқариш бўлинмалари ёки одоб-ахлоқ комиссиялари, шунингдек маҳсус ваколатли давлат органи томонидан амалга оширилади.

27. Санитария-эпидемиология хизмати ходимлари лавозимга тайинланган давлат хизматчилари инсон ресурсларини бошқариш бўлинмалари томонидан мазкур одоб-ахлоқ қоидалари билан тилхат асосида имзо қўйдирган ҳолда таништирилади.

28. Мазкур одоб-ахлоқ қоидаларини бузиш ҳолатлари бўйича хизмат текшируви давлат органлари ва ташкилотлари раҳбарининг кўрсатмасига мувофиқ одоб-ахлоқ комиссиялари томонидан ўтказилади.

Хизмат текширувини ўтказиш тартиби давлат органлари ва ташкилотлари томонидан белгиланади.

10-боб. Одоб-ахлоқ қоидаларига риоя этмаганлик учун жавобгарлик

29. Санитария-эпидемиология хизмати ходимлари томонидан одоб-ахлоқ қоидаларига риоя этмаганлик ҳолати уларга нисбатан аҳлоқий ва интизомий таъсир чораларини қўллаш учун асос бўлади.

30. Одоб-ахлоқ қоидаларига риоя этмаганлик учун одоб-ахлоқ комиссияси томонидан давлат хизматчиларига қуидаги аҳлоқий таъсир чоралари қўлланилади:

огоҳлантириш;

узр сўраш ёки расмий узрнома келтиришни талаб қилиш;

Санитария-эпидемиология хизматининг жамоавий йиғилишларида танбех бериш.

31. Одоб-ахлоқ комиссияси давлат хизматчисига нисбатан интизомий таъсир чорасини қўллаш учун давлат органлари ва ташкилотлари раҳбарига тақдимнома киритиши мумкин.

Одоб-ахлоқ қоидалари раҳбар томонидан бузилган тақдирда, одоб-ахлоқ комиссияси унга нисбатан тегишли чора қўриш масаласи юзасидан таклифларни юқори турувчи давлат органи ва ташкилот раҳбарига юборади.

32. Санитария-эпидемиология хизмати ходимларининг одоб-ахлоқ қоидаларини бузиши уларни қонунга мувофиқ интизомий ва бошқа жавобгарликка тортиш учун асос бўлади.

11-боб. Якуний қоида

33. Мазкур низомнинг ижросини таъминламаган жавобгар шахслар қонунда белгиланган тартибда жавобгарликка тортилади.

Одоб-аҳлоқ комиссияси
тўғрисидаги низомга
илова

Одоб-аҳлоқ комиссияси фаолиятини ташкил қилиш ва давлат хизматчилари томонидан одоб-аҳлоқ қоидаларининг бузилиши билан боғлиқ масалаларини кўриб чиқиш
СХЕМАСИ

Босқичлар	субъектлар	Тадбирлар	Ижро муддати
I. Комиссия фаолиятини ташкил этиш			
1-босқич	Ташкилот раҳбари	<p>1. Санитария – эпидемиология хизматида Одоб-аҳлоқ комиссияларини (кийинги ўринларда – Комиссия) Комиссия раиси, котиби ва аъзоларидан иборат таркибда, умумий сони камидан беш нафардан кам бўлмаган миқдорда тоқ сонда шакллантириш.</p> <p>2. Комиссия таркибига тажрибали, меҳнат жамоасида обрў-эътиборга сазовор бўлган давлат хизматчиларини киритиши.</p> <p>3. Комиссия таркибини тасдиқлаш.</p> <p>4. Комиссия таркибига комиссия томонидан қабул килинадиган қарорларга таъсир кўрсатиш мумкин бўлган манфаатлар тўқнашуви эҳтимолини назарда тутган ҳолда ўзгартириш киритилади.</p>	<p>Икки ҳафта муддатда</p> <p>Заруратга кўра</p>
2-босқич	Комиссия раиси	<p>Комиссия ишини ташкил этади, комиссия мажлисларини чақиради ва ўтказади мажлисга раислик қилади.</p> <p>Комиссия номидан иш юритади, Комиссия мажлисларида Комиссия фаолияти тўғрисидаги ахборот билан сўзга чиқади.</p> <p>Ташкилот раҳбарига Комиссия фаолияти тўғрисида хисобот тақдим этади.</p> <p>Кун тартибига мувофиқ Комиссия мажлислари ўтказилишини ташкил этади. Комиссиянинг аъзоларини ва таклиф этилган шахсларни Комиссия мажлиси ўтказиладиган жой, сана ва вакт ҳамда кун тартибига киритилган масалалар ҳакида хабардор қилади.</p> <p>Комиссиянинг фаолиятини ташкилий-техник жихатдан таъминлаш масалаларини ҳал қилади, навбатдаги мажлисига барча зарур материаллар ўз вактида тайёрлайди.</p> <p>Комиссия мажлисининг баённомасини расмийлаштиради ва тасдиқланган баённоманинг манфаатдор шахсларга жўнатилишини таъминлайди.</p>	<p>Маълумотлар киритилган вактдан бошлаб</p> <p>Ҳар йили йил якуни бўйича</p> <p>Мажлисдан камидан 2 кун олдин</p> <p>Мажлисдан камидан 1 кун олдин</p>

**II. Одоб-ахлоқ қоидаларини бузилишининг олдини олиш (профилактика)
чораларини кўриш**

1-босқич	Комиссия	<p>Комиссия мунтазам равишда Санитария – эпидемиология хизмати ходимлари томонидан одоб-ахлоқ қоидаларига риоя этилиши ва уларни бузилишининг олдини олишга қаратилган куйидагиларни назарда тутувчи профилактик комплекс чора-тадбирларни амалга оширади:</p> <p>Санитария – эпидемиология хизмати ходимларида юксак касбий маданиятни, жамоада соглом маънавий муҳит ва ишchan кайфиятни шакллантириш;</p> <p>Санитария – эпидемиология хизмати ходимларини “халоллик вакцинаси” билан эмлаш, яъни ҳалолликни уларнинг онгига сингдириш, маърифат орқали уларда коррупцияга қарши муросасиз муносабатда бўлиш кайфиятини шакллантириш;</p> <p>Санитария – эпидемиология хизматида таникли зиёлилар, ижодкорлар, маънавият ва маърифат соҳаси, шунингдек диний соҳанинг кўзга кўринган намоёндалари, ўз соҳасида юксак натижаларга эришган меҳнат фахрийларини жалб килган ҳолда, учрашувлар ташкил қилиб бориш;</p> <p>Санитария – эпидемиология хизмати ходимларининг касбий ва бошқарув кўнникмалари ўсишини, шунингдек уларнинг малакасини доимий равишда оширишни, улар томонидан одоб-ахлоқ қоидаларига риоя этишларини таъминлаш мақсадида уларнинг билимлари ва малакасини доимий ошириш ишларини таъминлаш;</p> <p>Санитария – эпидемиология хизмати ходимларининг иқтисодий билимларини, хуқуқий саводхонлигини, хуқуқий маданияти ва хуқуқий онгини, интеллектуал ва маънавий ривожланишини таъминлаш мақсадида иқтисодий ва хуқуқий ўқишлилар ташкил этиш; янги ишга қабул қилинган Санитария – эпидемиология хизмати ходимлари одоб-ахлоқ қоидаларига қатъий риоя қилиш борасида стажировкадан ўтказиш ва улар билан профилактик сухбатлар ташкил қилиш;</p> <p>Санитария – эпидемиология хизмати ходимларини малака ошириш курсларига, халқаро семинарлар, конференциялар ва шу каби бошқа тадбирларга юбориш, улар томонидан ўз касбий даражаси ва ахлоқий сифатларини мустақил оширишлари учун шарт- шароит яратиб бериш</p>	Комиссия томонидан тасдиқланадиган чораклик иш режалари
	Давлат органининг таркибий булинмалари		
	касаба уюшмалари кумиталари		
2-босқич	Комиссия	Санитария – эпидемиология хизмати ходимлари томонидан одоб-ахлоқ қоидалари бузилишининг олдини олиш (профилактика) чораларининг натижадорлигини Комиссия йигилишида мухокама килади.	Ҳар йил яқунлари бўйича

**III. Одоб-аҳлоқ қоидаларининг бузилиши билан боғлик
масалаларни кўриб чиқиши**

1-босқич	Комиссия	<p>Комиссия Санитария – эпидемиология хизмати ходимларининг одоб-аҳлоқ қоидаларини бузилишлари билан боғлик масалаларни:</p> <p>Ташкилот раҳбарининг топшириғига кўра; хуқуқни муҳофаза қилувчи органларнинг мурожаатига асосан;</p> <p>Санитария – эпидемиология хизмати ходимларининг, шунингдек жисмоний ва юридик шахсларнинг мурожаатларига биноан ўз ташаббуси билан кўриб чиқади.</p>	Заруратга кўра
2-босқич	Комиссия раиси ва аъзолари Ходим - хизматчи	<p>Комиссия мажлисида:</p> <p>кун тартибидаги масала ўқиб эшиттирилади; ташкилот раҳбарининг топшириғи ёки Санитария – эпидемиология хизмати ходимлари томонидан одоб-аҳлоқ қоидалари бузилганини түғрисидаги мурожаат ўқиб эшиттирилади;</p> <p>одоб-аҳлоқ қоидаларига риоя этмаганликда айбланаётган Санитария – эпидемиология хизмати ходимлари ва мурожаатчилар тушунтиришлари эшиттилади.</p> <p>Ўзининг хуқуқи, шаъни ва қадр-қимматига, ишchanлик обрўсига салбий таъсир қиласидаги мурожаат бўйича амалдаги қонун хужжатларига мувофиқ ўзини химоя қилишга, Комиссия зарур материаллар ҳамда бошқа ахборотларни тақдим этишга ҳакли.</p>	Мажлис ўтказиладиган кун
3-босқич	Комиссия	<ol style="list-style-type: none"> 1. Мажлис якуни бўйича Санитария – эпидемиология хизмати ходимларининг ҳаракатларида одоб-аҳлоқ қоидаларининг бузилиши фактининг мавжудлигини ёхуд мавжуд эмаслиги түғрисида карор қабул қиласиди. 2. Одоб-аҳлоқ қоидалари бузилганини факти аниқланган тақдирда Санитария – эпидемиология хизмати ходимларига куйидаги ахлоқий таъсир чораларини қўллайди: <ul style="list-style-type: none"> огоҳлантириш; узр сўраш ёки расмий узрнома келтиришни талаб қилиш; Санитария – эпидемиология хизматининг кенгайтирилган мажлисида танбех бериш. 3. Санитария – эпидемиология хизмати ходимларига нисбатан интизомий таъсир чорасини қўллаш учун ташкилот раҳбарига тақдимнома киритиши мумкин. 4. Қабул қилинган карор хақида мурожаат қилувчига, ўзига нисбатан масала кўриб чиқилган Санитария – эпидемиология хизмати раҳбарига ёзма равишда маълум қиласиди. 	Мажлис ўтказиладиган кун
4-босқич	Комиссия	Одоб-аҳлоқ қоидалари ташкилот раҳбари томонидан бузилган тақдирда уларга нисбатан тегишли чора кўриш масаласи юзасидан таклифларни юқори турувчи давлат органи ва ташкилот раҳбарига юборади.	Заруратга кўра
5-босқич	Ходим-хизматчи	Комиссиянинг қарори устидан ташкилот раҳбарига ёки судга шикоят қилиш мумкин.	Заруратга кўра